


www.BibleForChildren.org

Jenexi 3



Mame typyty tosehapse eya
Ewame emero ahno ěme
toehse aexiryke.




Moraramé okoi tuarohxo kynexine,
imehnõ onokyro tõ motye,
onekunohtõme kynexine. Tõturupose
ynororo nohpo a: — Ajohpe pyra
“Tupito põ wewe epery osenahno,”
naseh oya Ritonõpo?



— Ÿ, wewe tō
epery enahnōko
ynanase emero repe,
tykase, tozuhse nohpo

a. — Tupito rānaō epery rokē onenahpyra
ynanase. Moro epery rokē: “Osenahdou,
anapoipyra ehtoko oorikyrykōino,” nase
Ritonōpo yna a, tykase.




— Ajohpe! tykase
okoï eya. — Orihpyra
mase. Morara tykase
Ritonõpo zuaro toexiryke,
moro wewe epery enapryhtaο oya xine
tuaro exĩko matose Ritonõpo ehtoħ samo,
kure ehtoħ waro exĩko matose, popyra
ehtoħ waro exĩko roropa
matose, tykase.



Mame moro wewe kure tonese nohpo
a, epery roropa kure potu tonese eya,
tonahsēme. Tōsenetupuhse ynororo:
“Kure exiry emero zuaro toehse
jahtao,” tykase ynororo tyya rokene.
Naeroro moro wewe
epery tapoise eya,
tonahse roropa
eya; tokarose eya
tynio a, tonahse
eya roropa.



Morara ahtao enurukō
tātapuruhmakase. Iirypyryme
toehtohkō poko tuarōtase toto.
Ihxipỹke toehse toto, tymetyke pyra
toexirykōke. Naeroro ituary ke
toemetyhtose toto
ihxipỹke
toexirykōke.





Yrome
orutua

tykohmase Ritonõpo a ekaropotohme: — Otokoh
ma? Ynara tykase orutua: — Õmiry etã osemazuhme
oytoryhtao anarykatyã poro, yrome enaromỹke akene,
tupoke pyra jexiryke. Naeroro otonẽno, tykase.
— Onoky poe tupoke pyra oehtoh waro mexino?
Enahpỹ epery menahno? tykase Ritonõpo eya.



Ynara tykase orutua: — Mose nohpo
onekarohpyry ya ypytyme, mose ro a epery
tonahpose ya, mame enahno rahkene.
Mame Ritonõpo tõturupose nohpo a:
— Oty katoḥ morara myrino?
tykase. — Okoi jenekunohno, tykase
nohpo, — morara exiryke
enahno, tykase.






Naeroro Etē poe, tupito kurā poe
orutua tonyohse Ritonōpo a ipyty
maro osa menekatohme eya
itu htao tutupime, nono poko
aerohtohme, nono
risēme aexiryke.





Morotoino orutua taropose
Ritonõpo a.

Mame osema tao xixi tūtatoh wino kerupī
tō tyrise eya typyreke, tytapemake
apoto sã exikety ke. Eraseme
toto ehtohme mokaro tyrise
omõpyra ropa ahno ehtohme,
moro wewe, jūme
isene tyripotoh
pūtokoxy.




Moraramē tpyty Ewa maro toehse Atão, poetoẽme
toehse ipyty. Mame toemũkuase orutuame, ynara
tykase ynororo: — Takorehmase Ritonõpo a jexiryke
toemũkuase ywy, tykase. Tumũkuru tosehpase
eya Kaĩme. Imeĩpo toemũkuase ropa

Apeume, Kaĩ akorony.


Apeu toerohse
kaneru tõi poko,
Kaĩ kynexine
tupito poko
erohketyme.



Moromeĩpo tỹkyryry tapoise Kaĩ a jahkatohme
tynekaroryme Ritonõpo a. Apeu a toky poenõ
osemazuhme aenuruhpyry tapoise,
kaneru pitiko totapase eya, ipũ kurã
tyahkase eya tynekaroryme
Ritonõpo a.



Ritonõpo zamaro Apeu kynexine, inekarohpyry
roropa, yrome Ritonõpo zamaro pyra Kaĩ kynexine,
inekarohpyry se pyra kynexine. Mame
Kaĩ tyekĩtapãse, tohne toehse
ynororo ipunaka.



Mame ynara tykase Kaĩ takorõ Apeu a: — Eropa tupito pona. Toeporehkase tahtao xine tupito pona, takorõ totapase eya. Toorihse Apeu.



Mame Ritonõpo tõturupose Kaĩ a: — Otoko ãkorõ Apeu
nae? tykase. — Zuario pyra ase, tykase Kaĩ, — jakorõ
eraseme tokoh a? tykase. Mame toytose Kaĩ Ritonõpo
winoino imepỹ pona osesarise.


“Ytoytotoh” pona toytose ynororo
Etẽ poe xixi tũtatoh winakoxi.



Mame Ewa maro toemũkuase ropa Atão.
Ynara tykase Ewa: — Imepỹ umũkuru
tokarose Ritonõpo a ya, Apeu myakãme,
totapase exiryke Kaĩ a. Tosehpase
ynororo eya Seteme.



Moromeĩpo 800me jeimamyry taropose Atão
a. Toemũkuase ropa imehnõ mũkuru tomo,
ẽxiry tõi roropa. Mame toorihse ynororo
930me jeimamyry taropose ahtao.



Mame popyra ahno ehtoh eneryke
tyya, popyra rokẽ aosenetupuhtohkõ
eneryke roropa tyya,



Toemynyhmase ynororo, ynara tykase:
— Mokaro enahkapõko ase, nono
põkomo, ynyrityã emero, ahno te,
onokyro tõkehko te, torõ tomo te
nono poro ytoytoketomo. Yzamaro
pyra ynyrityã toehse,
tykase.




Yrome Noe nyriry Ritonõpo zamaro
kynexine. Sero nase Noe ehtopõpyry
poko. Toemũkuase ynororo oseruao:
Sem te, Kam te, Jape, enara.



Ritonõpo sero nono põkõ pyno
ipunaka. Morara exiryke Tumũkuru
toirõ tonehpose eya, emero porehme
enetupuhtohme tosẽkõme, orihpyra
ehtohme, jũme imaro ehtohme.



2



60



Romanos 3:23 Kymarokõ emero tyrypyhpyke.
Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykõ
epehpyryme orihnõko sytatose. Yrome Ritonõpo
nekarohpyry ke orihpyra sytatose jũme. Jezu
Kyrixtu Kuesẽkõ marõme exĩko sytatose, toorihse
exiryke kymyakãkõme.

Epereu 9:27 Toipe sytatose. Emero porehme
orihnõko sytatose toiro. Moromeĩpo kuapiakatorỹko
Ritonõpo mana.



Epezu 2:8,9 Naeroro tamoreme opyno xine Ritonõpo toexiryke typynanohse matose. Okurãkatorỹko roropa mana kure oexirykõ pokoino pyra. Jezu enetuputyryke rokẽ oya xine okurãkatorỹko mana. Topehke pyra, tynekarory kurã sã, Tumũkuru tonehpose aorihtohme, okurãkatohkõme. Naeroro epyrypasaromepyra matose Ritonõpo poenõme oexirykõ poko. Kure oexirykõ pokoino pyra tukurãkase matose Ritonõpo a.

Romanos 10:9,10 Jezu orihxĩpo tõsemãkapose ropa Ritonõpo a. Moro enetuputyryhtao oya xine imehnõ zurũko matose: “Jezu Jesẽme mana,” ãko matose imehnomo a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyaa xine kukurãkatorỹko Ritonõpo mana. “Zae mase ya,” ãko mana kyaa xine. “Jezu Jesẽme mana,” karyhtao kyaa xine kypynanohtorỹko Ritonõpo mana.



João 3:16,17 Ritonõpo sero nono pōkō pyno ipunaka.
Morara exiryke Tumūkuru toirō tonehpose eya, emero
porehme enetupuhtohme tosēkōme, orihpyra
ehtohme, jūme imaro ehtohme. Sero pōkō
pynanohse Tumūkuru tonehpose Ritonõpo a,
toto onuãnohpyra aehtohme.

1 João 5:11-13 Ynara Ritonõpo nekarohpyry sero.
Orihpyra kyritorỹko Ritonõpo mana Tumūkuru
enetuputyryke kyya xine. Ritonõpo mūkuru maro
exiketō orihpyra mǎ toto. Yrome Ritonõpo mūkuru
maro pyra exiketō orihketōme toto. Onenerykōme
pape merōko ase orihpỹme oehtohkō waro
oehtohkōme, Jezu Ritonõpo mūkuru
enetuputyryke oya xine.



Jenexi 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Apalaí Bible (apy) ©2017, Wycliffe Bible
Translators, Inc.

<https://www.bible.com/bible/865/MAT.1>

©2024 Bible for Children, Inc.

www.M1914.org

www.bibleforchildren.org

